

Poštovani,

Zavod zdravstvenog osiguranja i reosiguranja Federacije Bosne i Hercegovine posvećen je aktivnostima na prevenciji, ranom otkrivanju i liječenju dijabetesa posebno kod djece, kao i savremenom pristupu u prevenciji i liječenju ove bolesti.

Prije svega treba napomenuti da je saglasno odredbama Zakona o javnim nabavkama Zavod zdravstvenog osiguranja i reosiguranja Federacije BiH proveo i okončao postupak javne nabavke aparata sa trakama za mjerenje glukoze u krvi za djecu, te je sa izabranim ponudiocem zaključio okvirni sporazum/ugovor o nabavci odnosno isporuci aparata sa trakama za mjerenje glukoze u krvi za djecu.

Navedena medicinska sredstva su upisana u Registar medicinskih sredstava Bosne i Hercegovine na osnovu Potvrde Agencije za lijekove i medicinska sredstva, a saglasno odredbama Zakona o lijekovima i medicinskim sredstvima i odredbama Pravilnika o medicinskim sredstvima čime su se stekli ulovi za njihovo stavljanje u promet na tržištu Bosne i Hercegovine, a što je bio i jedan od uslova preciziran u tenderskoj dokumentaciji.

Saglasno odredbama ugovora zaključenog nakon provedene javne nabavke vrši se isporuka predmetnih medicinskih sredstava, na ugovorena mjesta isporuke odnosno u zdravstvene ustanove-domove zdravlja na teritoriji Federacije Bosne i Hercegovine (ukupno 72. zdravstvene ustanove za 657 korisnika).

Agencija za lijekove i medicinska sredstva je od Zavoda zdravstvenog osiguranja i reosiguranja Federacije BiH tražila informacija vezanu za „sumnju na kvalitet medicinskog sredstva distribuiranog iz programa Fonda solidarnosti „Zavoda zdravstvenog osiguranja i reosiguranja FBiH“ a „proslijeđenu od roditelja djeteta koje je korisnik medicinskog sredstva“ odnosno tražila informaciju o predmetnim aparatima sa trakama za mjerenje glukoze u krvi za djecu. Zavod zdravstvenog osiguranja tražene informacije je dostavio u najkraćem roku ovoj Agenciji.

Poznato je da je odredbama Pravilnika o medicinskim sredstvima kao i Pravilnika o praćenju neželjenih pojava vezanih za medicinska sredstva (materiovigilansa, vigilansa medicinskih sredstava) („Službeni glasnik BiH“ , broj: 58/12), Agencija za lijekove i medicinska sredstva BiH nadležna nad vigilancom medicinskih sredstava koji su upisani u Registar medicinskih sredstava Bosne i Hercegovine.

Kako je i navedeno u Aktu ovog Zavoda upućenom prema Agenciji za lijekove i medicinska sredstva kojim su dostavljene tražene informacije, a sa kojim su upoznati i udruženje oboljelih od dijabetesa ,te i na pojedinačne upite, roditelji djece oboljele od dijabetesa i pojedinih članovi navedenog udruženja , nakon dobijenih informacija od strane Agencije za lijekove i medicinska sredstva, Zavod zdravstvenog osiguranja i reosiguranja će odmah po prijemu istih, poduzeti odgovarajuće radnje /mjere u saglasnosti sa dobijenim informacijama , pozitivnim propisima i ugovornim odredbama koje se odnose na isporuku odnosno nabavku predmetnog/ih medicinskog/ih pomagala.



Do današnjeg dana, od Agencije za lijekove, kao nadležnoj za postupanje koje se tiče praćenja neželjenih pojava vezanih za medicinska sredstva, nismo još dobili informacije vezane za predmetno pitanje te ćemo odmah po prijemu istih, kao što smo i ranije naveli, poduzeti, ako to bude potrebno, odgovarajuće radnje /mjere.

Također ovaj Zavod je blagovremeno upućivao informacije/sugestije prema domovima zdravlja u Federaciji BiH gdje se vrši isporuka ovih pomagala, prema drugoj ugovornoj strani, te na pojedinačne upite i prema udruženjima oboljelih od dijabetesa, kao i pojedinačne upite roditelja djece oboljele od dijabetesa odnosno iste je upućivao/informisao, vezano za jedino moguće postupanje, odnosno postupanje saglasno pozitivnim propisima i ugovornim odredbama.

Iz gore navedenog proizlazi da je Zavod zdravstvenog osiguranja u potpunosti postupao u okviru svojih nadležnosti, saglasno pozitivnim propisima, ugovornim odredbama te na traženje dostave podataka/ informacija, od strane nadležnih organa odnosno Agencije za lijekove i medicinska sredstva, iste je dostavljao u najkraćem roku.

S poštovanjem,

Zavod zdravstvenog osiguranja i reosiguranja Federacije Bosne i Hercegovine -  
Stručna služba